



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CXCIX. Obligation des Klosters Diesdorf gegen Werner von Holdenstedt über 70 Marck Pfenninge, vom 3. Mai 1380.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

vfe Inghefeghele alle witliken ghehenghet laten an deffen bref, de ghefchreven vnde ghegheuen is na goddef bord dritteynhundert Jar in deme neghen vnde feventigheften Jare, In funte lucien daghe.

CXCIX. Obligation des Klosters Diesdorf gegen Werner von Holdenstedt über 70 Mark Pfeninge, vom 3. Mai 1380.

Wy her wolter, proueft, vrowe mechtild, pryorinne, vnde de gantze famninghe des goddefhufes to Dyltorp Bekennen vnde betugen openbare in duffeme breue vor al den Jemmen, de en zeen eddir horen lezen, dat wy feuldich zin van rechter feuld deme befchedenen manne werner van holdenftede vnde zinen eruen feuentich mark penninghe, de he vns alrede gheleded heft, de feol wy vnde willen en betalen yppe funte walburghen daghe, de nv negheft to komende ys, in der ftad to vltzen funder ienigherleye vortoch vnde hinder. Deffe vorfcreuenen feuentich mark loue wy her wolter, proueft, vrowe Mechtild, pryorinne, vnde de gantze famninghe des vorfcreuenen goddefhufes to Dyltorp den erghenomden werner van holdenftede vnde fynen eruen vnde to erer truwen hand annen vnde hinriken, beyden gheheten van Boddendike, ftede vnde vaft to holdende funder ienigherleye argheleft. To ener grotteren betuchnisse vnde wiffenheyte zo hebbe we vnfe Inghefeghele ghehenghet laten an deffen bref, de ghegheuen is na goddes bord dritteynhundert Jar in deme achtgeheften Jare, des hilghen dages des hilghen cruces, alz yd ghevunden ward.

CC. Die von dem Knefbeck verfaufen das Dorf Borntzen an das Kloster Diesdorf, am 17. September 1380.

Wy hans, hern hempen fone, Bode, Boden fone, Zakewolden, hempo, hern hempen fone, vnde paridam, paridames fone, medelouers, alle gheheten von deme knesbeke, Bekennen vnde betughen openbare in deffeme Jeghenwardighen breue vor al den Jemmen, de ene zeen eddir horen lesen, dat wy myd willen vnde beradenen mode vnde myd wlbord al vnfer vrund vnde vnfer eruen hebben vorkoft vnde ghelaten vnde laten an deffeme breue ewichliken to bliuende vnde to befittende dat Gantze dorp to Borntzen, dat beleghen ys in deme lande to Soltwedele vnde in deme kerfpele to ludelfen, deme Erliken manne hern woltere, prouefte, vrowen mechtilde, pryorinnen, vnde der Gantzen famninghe des Goddefhufes to diftorpe, de nv zin, vnde eren nakomelinghen myd aller nud, myd aller vryheyde vnde myd alleme rechte, beyde hogheft vnde zideft, myd alleme pachte, myd alleme denfte, myd ackere, myd weyde, myd